

استدینا

نومرو ۹

بخشبه

۶ تشرین ثانی ۱۳۲۴

اجال خارجی

قونفرانس نتایجی صرب و قره طاغ املالرینه موافق دوشمدیکی تقدیرده مسلحاً مدافعه حقوقه آماده بولنق ایچون صربستانک حتی نقليات تجاریه سنی تعطیل ایدرک تدارکات عسکریه سینه کریمی تام ویرمسنه و بلغارلرک دخی کویا طرف دولت علیه دن مطالب فاحشه درمیان و بو خصوصده تشویق و تشجیع ایدلمسندن مایوس اوله رق صورانیه اعضاسندن بعضیلرینسک حربیجویانه نطقلر ایراد ایللملریته رغماً افق سیاسی کیتدجکه کسب کشایش ایدیور دینسه سزادر . آوستریا و روسیه حکومتلری آره سنده قونفرانس پروغرامنه دائر جریان ایدن مذاکرات روسیه طرفندن بوباید و یانه قابینه سینه اجرا قلنان تبلیغاته آوستریاجه بر جواب اعطاسنی انتاج ایده جک درجه یه قدر ایلرولدی، بو جواب مندرجاتی هنوز مجهول ایسه ده مذاکرات واقعه نك حسن صورتله جریان ایده کلدیکنه دائر توارد ایدن معلوماته نظراً حکومتین مشارالیه ما آره سنده بر طریق ائتلاف بولنش اوله جفته حکم ایدیلیور . دیگر طرفدن باشده فرانسه و روسیه حکومتلری اولدینی حالده دولتر صربستانک دائره سکون واعتدال دن تباعد ایتاملرینی اکیداً و اهمیتله توصیه ایتدیلر ؛ خلاصه هر طرفدن بر میل ائتلافیویانه کوستریلیور او درجه ده که قونفرانسک افرنجی کانون اولک ایلک هفته لری ظرفنده انعقاد ایده جکی روایتی بتکرار صحایب مطبوعاتده کورلمک باشلادی. شو حالده دولتک بلغارستان ایله اجرا ایتمکده اولدینی مذاکراتکده او زمانه قدر خاتمه پذیر اوله جنی استتاج اولونیور دیمکدر . بو خاتمه نك نه شکل و صورتده اوله جفته هنوز واقف دکل ایسه کده دولتک بلغار قرالغنی تصدیق ایتک خصوصنده مخالفت کوستریه جکی، و بناء علیه هنوز بتدایتده تخمین ایتدیکمز وجهله، بتون بو اختلافلرک بر ملک آلیش ویریشی ایله یته جکی محسوسدر شو قدر که دولت قوجه برملکی اوجوزجه ترک ایدیور ملک کبی بر میک ائتلافیورانه اظهار ایتدیککی حالده شرق تیمور یوللری شرکتی اون اون بش سینه اول ایتدیککی قرق بش الی میلیون شمدی یوز میلیون فرانق قدر علاوه ایتک غریبه سنی کوستریور، وروایته کوره بو حرکت

اوستريانك تشويقي اوزرينه دولت عليه ايله بلغارستان آره سنده طوغرىدن
 طوغرى به بر استلاف حصوله بو وجهله سد چككمه معطوف بولونيورمش .
 بدایت تشككندنيرو دولته ايراث مضرات ايتمكدن غيري برغيرتي كورلماش
 و ممالك عثمانيه ده اك اول تأسس ايدن بر تيمور يولي شركتي اولديني ايستر
 مبتديله كمزدن، ايستر اوزمان رجالتك تمايلات منفعت پرستانه سندن بك حيا سزجه
 استفاده ايلمش بولسان مذكور قومانيه نك شمعي ده بويله بر انترقيه به آلت
 اوله جنى مشكوك اولسه بيله اوستريانك بالقان حكوماتي آره سنده استلاف تام حصولي
 آرزو ايتديكي محققدر، حتى اوسترياسفر اسندن برينك حكومات بالقانيه دن برينك مأمور
 سياسي ايله حين ملاقاتنده بو ذاتك اويله بر اتفاق نتيجه يي تقدير ايده جك
 درجه لرده دوراندیشلك كوستره رك بو مقصده چالشيديغي حس ايتمسيه سفيرك
 مأمور موسي اليه به بر خيال خام تعقيب ايتديكني، و بو يولده كي مساعي ني عقيم
 براققي اوزره اوستريانك و حتى روسيه نك عندالحاجه اعلان حرب به قدر ايلرو
 واره جقلىرني سويلديكي جمله استطلاعات موثوقه دندره. ايشته بو حقايقه اولان
 اطلاع سويله دركه بعض دوراندیشان سياست انقلاب عثمانيدن مأمول و منتظر
 بولنان نتايج حسنه نك صرف كندى حسن نيت و غيرتمز، كندى اجتهاد ترقى
 پرورانه مز ثمره سيه حصولي متعسر اوله جفندن اندیشه ايدورلر، منابع عثمانيه
 خزينه لر طولوسي منافع تأمين ايتمكه آلمش اولان دولترك بر دنبره قيد منفعت
 پرستيدن اك چككمه جكلرينه قائل اوليورلر بو اندیشه لر پكده اساسمز دكلدر،
 اولنك ايچون سياست عثمانيه سفينه سني بونجه امواج حرص و تهاجم آره سنده
 حسن صورته اداره ايتمك بك بيوك بر مهارته، بر دقيقه لقي فاصله به بيله
 غير مساعد بر بصيرته متوقفدر. بقالم انكليز بحريوننك اقتداري بو خصوصه
 بزه هميشه ظهير اوله جقمي؟ هر نه حال ايسه بونلر آتني به عائد ملاحظاتدر .
 شمديكي حالده انكلتره باش وكيلى موسيو آسكيت «كيلدهال» ده ايراد ايتديكي
 نطقنده بر ايكي آي اول سر ادوار غره ي طرفندن درميان ايديلان مطالعاتي
 تكرار، انكلتره نك او زمان سرد اولنان نقطه نظرنده بارجاي ثبات اولديغي،
 دولت عليه نك حيثيت و منفعتنه موافق بر صورت تسويه بولنق ايجاب ايتديكني

تأیید استدی. فرانسه ایله روسیه نك بو نظریه یه اشتراك ایتمش اولدقلری معلوم، و بو بایده بر تبدل واقع اولمش اولسه ایدی موسیو آسکیتك او درجه وضوح و مناسله تشریح افكار ایده میه چکی مجزوم بولمغله حال حاضر دن مطمئن اوله بیلوروز. آلمانیا ایله آوستریا حکومتلری داخلأ اولدجه شدتلی بحرانلر کچیردیلر. بوهیمیانك پراغ کبی بلاد مهمه سنده اوتهدنبرو وقوعه ککن حادثات و منازعات اخیرأ يك الیم وقعه لره باعث اولمش اوزرینسه هیئت وکلا استعفا سنی ویرمه مجبور اولدی. الیوم یکی بر قایینه تشکل ایندیسه ده بو قایینه اوله قولای قولای تشکل ایده مدی. آوستریا حکومتی بو قایینه ارکانی میانسه عناصر مخالفه مختلفه دن اوچ درت اعضا قبوله مجبوریّت حس استدی. آوستریا حکومتی بو کبی بحرانلره آن بان کرفتار اولوب کیتمکده ایسه ده حسیات ملیه نك کیتدکجه تکامل ایتمکده بولندینی شو عصرده بو بحرانلر کیتدکجه کسب شدت ایدوب طور مقده در. اونك ایچوندرکه آوستریا حکومتی بویله بحرانلی زمانلرده آوستریا افکار عمومیه سنی داخلدن خارجه سوق ایده جك وسائطه توسل ایدر و بو خصوصده همیشه بر مهارت مخصوصه کوسترر. آلمانیا به کنجه حالا پرنس بسمارک قلمه آلدینی قانون اساسی ایله اداره امور ایتمکده بولنان بوهیئت مجتمعه معظمه کویا بر مشروطیت اداره یی حازر ایسه ده رایخشتاغ مجلسنك صفت وکالت ملیه سی يك ظامری بر شیدر؛ مجلس مزبورده مجتمع وکلای ملت یالکزر رسوم و قوانین جدیده وضعنه مخالفت ایده بیلورلر، و بو مخالفتلری ده هیئت وکلانك سقوطنه بادی اولمز شو حالده ملت نظرنده مسئول بر هیئت وکلا یوقدر؛ ایمپراطورک توجهی، آرزوسی بر هیئتک ریاست کارده قلمسنی کافدر، شو سببله آلمانیا سیاسی پروسیا قرالی اولان آلمانیا ایمپراطورینك ید اختیارینه مودرع بولونیوردی. بو حال اوتهدنبرو آلمانیا ده کی سربسقی افکار اصحابجه بادی شکایت اولیوردی. حتی انقلاب عثمانی اوزرینسه برچوق آلمان غزته لری آلمانانك حکومت مطلقه طرفدارلنك اصولک بقیه سی صایلان تورکیدن دخی دهاکری قالدیغنی بیان ایدرک اظهار غبطه ایدبورلردی. بویله ایکن رایخشتاغ مجلسنده سیاست ایمپراطوریدن بحث ایتمکجه جسارت اولنه میوردی، لکن ایمپراطورک «دبلی تلغراف» غزته سی ایله نشر ایدیلان ملاقات معلومه سی اعضای مجلسك بو بایده کی ترددرینه خاتمه چکدی.

افرنجی تشرین ناینک اونجی کونی صانکه رایخشتاغ مجلسنک باجمله فرق
سیاسیه سی پینلرنده اتفاق ایتمشدر کی فتح دهان اعتراض ایستدیلر ، و وقتیلر
ایمپراطوردن بحث ایدنلرک سوزینی دیس مجلس درحال کسمکده ایکن شمدی
بویله بر تدبیره هدف اولمقسنین سربستجه تشریح اخطار ایلدیلر . آلمانیا
سیاستنک بعدما ایمپراطورک مداخلات ذاتیه سندن مصونیتی لزومی درمیان ایتمک
بر فرقه قلمدی . هله او کونکی ناطقه بردازک سرفرازی اولان « باسمران »
وجائب حرمت و تعظیمدن آیرلماقله برابر « ایمپراطورک بو کی مداخلاتسندن
طولانی بردها اخطار وقوعه حاجت قالمیه جنی » امیدنی پک بلیغ بر لسان ایله
اکلاتدی .. یالکنز بو قدرده دکل .. باش وکیل « بولوو » دخی ایمپراطوری مدافعه
ایتمکله برابر « شخصی بولتیقه » به آرتق نهایت ویریه جکفی ضعیف اشراپ ایتدی ..
شو سبیلر ایمپراطورک ملاقات واقعه سی « منجر هزیمت بر محاربه » دیه توصیف
ایدن آلمانلر شمدی رایخشتاغ مجلسنک مذاکرات آنفیه سی « غالبانه بر محاربه » دیه
یاد ایدیورلر . اوت مطلقیته قارشو مشروطیت اداره غلبه سی ! معافیه آلمانلر
بو غلبه ظاهره ایله قانیورلر .. باجمله غزیه لر مشروطیت اداره نک قواعد اساسیه سی
تأمین ایدر . حقیقی بر پارلمنتو اصولنک وضعی ایچون ادامه مساعی اولنمی حقنده
مقالات اکیده بازه رق تأیید مطالب ایلورلر . ایسته بو غایه مقصوده وصول
ایچوندرکه فرق مختلفه سیاسیه دن از جمله « سوسیال ده موقراط » فرقه سی بر قانون
لایحه سی قلمه آله رق مجلسه تودیع ایتدی .. بو قانون لایحه سنه کوره باش وکیل
باجمله اجراءات سیاسیه سندن مسئول اوله جق و رایخشتاغ مجلسی طرفندن طلب
واقع اولورسه عزل ایدیلر جکدر . باش وکیلک وظیفه سندن قصور و تکالیفی
کوردلر کی حالده تحت محاکمه آلمی ، محکمه هیئتنک رایخشتاغ مجلسی طرفندن
انتخاب و تعیین اوله جق اعضادن مرکب بولمی ، و محاکمه نک محکومیت قرارینه
منجر اولدینی تقصیرده اتحق رایخشتاغ مجلسنک طلب و مراجعتی اوزرینه
عفو ایدیلر بیلیمسی ده لایحه مذکوره مندرجاستندر . لایحه نک قبول و یا عدم قبولی
حقنده هنوز برشی دینه مزیده باشلانفیسج یابلدی ، باشلانان بر ایشک یاریمی
بتمشدر سوزینک طوغریانی بو خصوصده تعین ایدرسه آلمانیا دخی قریباً
مشروطیت کامله به نائل اوله جق دیمکدر .